

文選李注補正

卷三卷四



文選李注補正卷三

仁和孫志祖頤谷輯

離騷經

攝提貞于孟陬兮注太歲在寅曰攝提。正曰朱子楚辭辯證云王逸以太歲在寅曰攝提格遂以為屈子生於寅年寅月寅日得陰陽之正中補注因之為說援據甚廣以今考之月日雖寅而歲則未必寅也蓋攝提自是星名即劉向所言攝提失方孟陬無紀而注謂攝提之星隨斗柄以指十二辰者也其曰攝提貞于孟陬乃謂斗柄正指寅位之月耳非太歲在寅之名也必為歲名則其下少一格字而貞于二字亦為衍文矣

文選李注補正卷三

一讀畫齋叢書甲

昔三后之純粹兮注謂禹湯文王也。正曰辯證云三后若果如舊說不應其下方言堯舜疑謂三皇或少昊顓頊高辛也

惟黨人之偷樂兮注黨朋也論語曰羣而不黨。正曰按下文惟此黨人其獨異注云黨鄉黨謂楚國也又惟此黨人之不諒兮注云楚國之人不尚忠信之行不應此處互異



指九天以爲正兮注九天謂中央八方也。正曰朱子集注云九天天有九重也

羌內恕己以量人兮各興心而嫉妒注言在位之臣心皆貪婪內以其志恕度他人謂與己不同則各生嫉妒之心。正曰按此言貪婪之人反嫉妒恕己者耳注似非

謇吾法夫前修兮注言我忠信謇謇者乃上法前代遠賢。正曰按黃伯思翼騷云些只羌諱謇紛佗僚者楚語也則謇字不當作謇諛訓

文選李注補正卷三

二讀畫齋叢書甲

忍尤而攘詬注攘除也詬恥也欲以除去恥辱誅讒佞之人。正曰按忍尤攘詬當一意攘取也注非邵瓚取孫茂芝解同

步余馬於蘭皋兮馳椒丘且焉止息。補曰許云蘭皋椒丘以喻子蘭子椒

夏康娛以自縱注夏康啟子太康也。正曰戴氏震云康娛連文篇中凡三見不應以爲夏太康

夕歸次於窮石兮注淮南曰弱水出於窮石入於流沙。補曰集注云窮石山名在張掖卽后羿之國也

皇剡剡其揚靈兮注皇皇天也。正曰辯證云皇卽謂百神不必言天使也。

鳳皇翼其承旂兮注畫龍蛇爲旂。正曰周禮交龍爲旂。

### 東皇太一

璆鏘鳴兮琳琅注璆琳琅皆美玉名也鏘佩聲也。正曰集注璆鏘皆玉聲孔子世家云環佩玉聲璆然

### 雲中君

華采衣兮若英注若杜若也。正曰辯證云若卽如也

### 文選李注補正卷三

三讀畫齋叢書甲

猶詩言美如英耳注以若爲杜若則不成文理矣

蹇將澹兮壽宮注壽宮供神之處也。正曰許云呂子知接篇蒙衣袂而絕乎壽宮注壽宮寢堂也

聊翱游兮周章注周章猶周流也。正曰王觀國學林曰注非也周章周旋舒緩之意

### 湘君

女嬋媛兮爲余太息注女謂女嬃也。正曰集注云女嬋媛指旁觀之人蓋見其慕望之切亦爲之眷戀而嗟歎之也



隱思君兮陴側注君謂懷王也陴陋也。正曰集注云君湘君也陴隱也側不安也

### 湘夫人

捐余袂兮江中遺余褋兮澧浦注欲捐棄衣物裸身而行將適九夷也。正曰金云自此以下六句與湘君歌捐袂遺佩一律只是古詩重疊章法前用玦佩注以爲冀君還己之意固無所不可此云湘夫人去而屈原遂欲裸身狂走殊欠雅馴且九夷之說無因與末四句亦不合

### 文選李注補正卷三

四讀畫齋叢書甲

將以遺兮遠者注遠者謂高賢隱士也。正曰集注云遠者亦謂夫人之侍女以其既遠去而名之也

### 少司命

竦長劍兮擁幼艾注艾長也。正曰集注云艾美好也語見孟子戰國策

### 山鬼

子慕予兮善窈窕注子謂山鬼也。正曰圓沙本云下處幽篁爲山鬼自謂則此句亦應子指人予鬼自謂怨公子兮悵忘歸注公子謂公子椒也。正曰辯證云

山鬼一篇謬說最多不可勝辯而以公子爲公子椒者尤可笑也圓沙本云起句揭出山鬼以後俱代山鬼言耳王注支離

山中人兮芳杜若注山中人屈原自謂也。正曰集注云山中人亦鬼自謂也

### 涉江

淹回水而疑滯注疑惑也。正曰按疑與凝同注誤楊氏鳳苞云疑一作凝見洪氏補注引釋文江淹別賦舟凝滯於水濱用此洪氏以作凝爲傳寫之誤非也

### 文選李注補正卷三

五讀畫齋叢書甲

桑扈羸行。補曰許云桑扈卽子桑戶

### 卜居

乃往見太卜鄭詹尹注鄭詹尹工師姓名也。正曰錢氏校云疑是鄭之詹氏尹於楚者左傳鄭有叔詹

### 九辯

貧士失職注亡失財物逢寇賊也。正曰趙云流離辛苦喪常業也

收恢台之孟夏兮。補曰集注云恢台廣大貌

### 招魂



虎豹九關。補曰錢氏枚云山海經崑崙之下都面有九門門有開明獸守之虎身人面。約謂身有九節也。背行先些注背倍也倍道先行。正曰金云背行謂側身向所招者由前視之則爲背行也猶却行爲導之義背字只須直解不必作倍訓也。

紫莖屏風注屏風水葵也。或曰紫莖言荷葉紫色也屏風謂葉障風也。補曰楊慎云後說最是屏音丙屏風。正與緣波爲對最見工緻宋吳感詩繡被夜歌青翰檝綠波春漾紫莖風。

發揚荷些注發揚荷葉。正曰按揚荷當作陽阿五臣本揚作陽張銑注涉江采菱陽阿皆楚曲名荷當爲阿麗而不奇些注不奇奇也猶詩云不顯顯也。正曰按服奇者志淫此則雖華麗而不奇衰也與上文厲而不爽意同注非。

激楚之結注激感也結頭髮也言鄭衛妖女工於服飾其結殊形能感楚人之心。正曰按上文宮庭震驚發

激楚些注激清聲也復作激楚之聲以發吳音此處不應兩解集注云蓋歌舞此曲者之飾也金云結字解當就上林賦激楚結風參之七發亦云發激楚之結風七命  
激楚迴流風結

費白日些注費光貌也皜然如日光。正曰按費耗也費白日猶云耗損光陰耳

步及驟處兮注驟走也處止也有步行者有乘馬走驟者有處止者。正曰按集注云步行而及驟馬所至之處言走之疾也

文選李注補正卷三

七讀畫齋叢書甲

招隱士

蟋蟀鳴兮

注蟋蟀得夏喜呼號也

啾啾

注秋節將至悲嘹喙也

。正曰金云

啾啾便是鳴聲更不容斷續轉折若以鳴屬夏而喜啾啾屬秋而悲如此用意造句知其解者難矣爲此詞者亦難矣凡王注截解者時有此病

七發

伏聞太子玉體不安。補曰趙云戰國策左師公曰恐太后玉體之有所郤也

命曰蹙痿之機注呂氏春秋曰出則以車入則以輦務



以自佚命曰佻。佻之機高誘曰：佻至也。佻機門內之位也。乘輦於宮中游翔，至于佻機，故曰務以佚也。枚乘引佻，佻而爲佻，痿未詳。乘之謬爲好奇而改之。正曰：汪云：下文洞房清宮，命曰寒熱之媒。注曰：呂氏春秋曰：室大多陰，臺高多陽，多陰則佻，多陽則痿。此陰陽不適之患也。高誘注曰：佻逆寒疾也，痿佻不能行也。是亦呂氏春秋之文。何李氏未悟及此。耶志祖按：呂氏春秋佻佻之機與伐性之斧爛腸之食語意正同。佻佻，恐卽佻痿之意。若以佻機爲門內之位，則不應佻機二字中間一之字疑高誘注反誤耳。

文選李注補正卷三

八讀書齋叢書甲

冒以山膚注山膚未詳。補曰：按張銑注云：雄白方以智通雅云：卽七啟元能素膚之膚。隋志山膚水豢雜俎載伊尹干湯言具三羣之蟲，又云三味三材九沸九變三斲七菹，吳酸楚酪楚苗挫槽，山膚大苦，或曰山膚石耳之類。

薄耆之炙注薄耆未詳。一曰薄切獸耆之肉，而以爲炙也。耆，今人謂之耆頭。正曰：鍾山札記云：按耆頭之義亦難曉，疑耆卽鱮之省。文公食大夫禮有牛鮓，鄭注云

內則謂鮪爲膾然則膾用鮪今文鮪作鱮案此則者亦當謂牛鮪但云獸者不知是何等獸其所云薄切義則是也

此兩人者注兩人秦缺樓季也。正曰趙云兩人王良造父也左傳馬佚不能止又郵良曰兩駟將絕吾能止之我御之上也下文射重爭逐方是車右事

螭龍德牧注竝鳥形未詳。補曰呂向注云螭雌龍也鳳背上文曰牧腹下文曰德志祖按廣雅鳳首文曰德翼文曰順背文曰義腹文曰信膺文曰仁與呂向說不

文選李注補正卷三

九讀書齋藏書印

同

杜連理音注杜連未詳。補曰劉良注云杜連卽田連善鼓琴者

幾滿大宅注大宅未詳。補曰音義云梁邱子黃庭經注曰面爲靈宅一名大宅以眉目口之所居故爲宅徐氏鯤云梁注黃庭本作一名尺宅非大宅也當引後漢書馮衍顯志賦游精神於大宅兮章懷注云大宅謂天地

莫離散而發曙兮注莫離散謂精神不離散也。正曰趙云此觀濤已畢與交遊兄弟分散也莫對曙言當讀



作暮

弭節伍子之山。補曰金云楚辭涉江曰伍子逢殃伍子之稱本此

凌赤岸注曹子建表曰南至赤岸山謙之南徐州記曰京江禹貢北江春秋分朔輒有大濤至江乘北激赤岸尤更迅猛然竝以赤岸在廣陵而此文勢似在遠方非廣陵也。正曰汪云按枚叔所言八月觀濤卽今浙江乃引南徐州記指爲京江誤矣蓋廣陵亦浙江江上之地非京江江北之廣陵也但未知赤岸屬今何地耳

文選李注補正卷三

十讀畫齋校書甲

### 七啟

并命王粲作焉。補曰音義云王粲所作名七釋

公叔畢命於西秦注公叔未詳。補曰劉良注或曰荆軻字公叔

### 七命

營匠斲其樸注營匠未詳。補曰汪云張平子西京賦曰西匠營宮景陽當是用此乃謂經營之匠耳趙云考工記曰匠人營國邑

駕紅陽之飛鸞注紅陽飛燕未詳。補曰趙云以下句

例之則紅陽乃人名也尸子曰我得民而治則馬有紫燕蘭池

鋸牙掉注說文曰掉兩手擊也補買切。正曰金云禮運燔黍掉豚注掉豚擘析豚肉也此亦當作擘開之義非搏擊之謂志祖按掉字有擲義左思吳都賦莫不鈎銳挫鋸拉掉摧藏注鳥獸莫不鈎挫鋒鋸拉擲折挫之也景陽用字本此掉音拜上聲與掉豚之掉音博厄切者又異

揮之者無前。補曰莊子說劍云此劍直之無前舉之無上

文選李注補正卷三

十讀畫齋叢書甲

四膳異肴注禮記曰孟春食麥與羊孟夏食菽與雞孟秋食麻與犬孟冬食黍與彘。正曰按當改引周禮庖人春行羔豚膳膏香夏行腍鱠膳膏臊秋行犢麇膳膏腥冬行鱸羽膳膏羶

髦殘象白注殘白蓋煮肉之異名也。補曰劉良注云殘謂猛獸所食之殘者亦猶豺殘也白謂脂也亦猶熊白



以寧東夏。補曰左傳曰聞君將靖東夏  
嗇民昏作。補曰三國志注引鄭元曰昏勉也

永明九年策秀才文

文條炳于鄒說注鄒說未詳。補曰按劉良注謂鄒衍  
談天五勝歷數之事

永明十一年策秀才文

淮汴崩離。補曰音義云宋書明帝紀泰始二年十月  
以郢州刺史沈攸之爲中領軍與張永俱北討十二月  
大敗於是遂失淮北四州及豫州淮安地

文選李注補正卷三

十三讀書齋校書印

天監三年策秀才文

六藝百家庶非牆面注周禮保氏養國子以道乃教之  
六藝一曰五禮二曰六樂三曰五射四曰五御五曰六  
書六曰九數淮南子曰百家異說各有所出論語子謂  
伯魚曰汝爲周南召南矣乎人而不爲周南召南其猶  
正牆面而立也與。正曰趙云六藝六經也書曰不學  
牆面

薦禰衡表

弱冠慷慨注賈誼終軍皆年十八故曰弱冠。正曰金

云賈誼年十八受知吳公至文帝召用時年二十餘矣  
求試屬國是此時事雖出二十仍可以弱冠稱之十八  
之說微有不合

求自試表

正值陛下升平之際。補曰趙云漢書梅福傳曰民有  
三年之蓄曰升平

求通親親表

願陛下沛然垂詔。補曰許云魏志詔曰已勅有司如  
王所訴

文選李注補正卷三

三讀畫齋叢書甲

讓開府表

大臣之節不可則止注論語子曰周任有言曰陳力就  
列不能者止。正曰按當改引所謂大臣者以道事君  
不可則止

陳情表

不矜名節注鄭元禮記注曰矜謂自尊大也。正曰金  
云此矜持之矜非驕矜之矜書曰不矜細行

謝平原內史表

重蒙陛下愷悌之宥注陛下謂成都也。正曰何云按



此表自上惠帝非成都也觀表首陪臣可見是時士衡從成都在鄴下魏郡太守治鄴詔書下魏守守復遣丞授之耳兼以表末便道之官等語證之其義尤明

勸進表

渤海公臣匹磾。補曰錢氏大昕晉書攷異曰匹磾傳不言封渤海公

讓中書令表

東京六姓注六姓章德竇后和熹鄧后安思閭后桓思竇后順烈梁后靈思何后。正曰何云六姓并馬氏言之章德桓思本一姓也馬光亦自殺

文選李注補正卷二

西漢書齋叢書甲

爲宋公求加贈劉前軍表

內難亦荐。補曰何云內難謂劉毅劉藩諸葛長民司馬楚之類也

爲齊明帝讓宣城郡公第一表

驃騎上將之元勳注漢書曰霍去病征匈奴有絕漠之勳始置驃騎將軍位在三公上。正曰音義云按漢書百官表霍去病傳不言驃騎將軍位在三公上續漢志曰明帝以東平王蒼爲驃騎將軍以王故位在三公上

言以王故卽非驃騎將軍本在公上東觀漢記曰驃騎將軍位次公蔡質漢官沈約宋志竝云位次丞相韋昭辨釋名曰秩本二千石晉志曰位次公齊志曰驃騎將軍加大字位從公徧檢衆書知善注誤引非漢書古今本異

張銑注云驃騎上將軍漢置位在三司上

且虛飾寵章委成禦侮。補曰呂延濟注云寵章謂封侯也禦侮謂爲驃騎光宅近甸。補曰張銑注云近甸謂宣城去都近

### 爲范尚書讓吏部封侯第一表

文選李注補正卷三

五讀書齋叢書甲

分虎出守以囊被見嗤。補曰梁書范雲傳出爲零陵丙史在任潔己省煩苛去游費百姓安之

持斧作牧以蕙苴興謗。補曰梁書雲遷廣州刺史初雲與尚書僕射江祐善祐姨弟徐藝爲曲江令深以託雲有譚儼者縣之豪族藝鞭之儼以爲恥詣京訴雲赭衣爲虜。補曰梁書雲坐徵還下獄

悵望鍾阜注許慎曰鍾山北陸無日之地。正曰汪云按此恐指建業之鍾阜未必遠及無日地也

政當以接開白水。補曰梁書雲與高祖接里閭



金章有盈筭之談注金章盈筭未詳。補曰呂延濟注云趙王倫爲亂謠曰金章滿箱尚不可長言小人在位者衆

雖千秋之一日九遷注東觀漢記馬援與楊廣書曰車丞相高祖園寢郎一月九遷爲丞相者知武帝恨誅衛太子上書訟之然日當爲月字之誤也。正曰王楙野客叢書曰漢書高寢郎田千秋訟太子寃武帝立拜爲大鴻臚師古注立拜者立見而卽拜之言不移時也謂千秋因此一言頃刻之間自高寢郎超遷九敘至大鴻

文選李注補正卷三

六讀書齋叢書甲

臚非謂一日之閒九次遷除也謂之一日正不爲失李善誤認此意乃以一月九遷爲丞相又案漢書千秋爲大鴻臚數月代劉屈氂爲丞相封富民侯漢史謂千秋特以一言寤意旬月取宰相封侯世未嘗有蓋以此也則知千秋爲相封侯乃在鴻臚數月之後所謂旬月者十月也豈一月九遷爲丞相哉善蓋引東觀記之謬耳

爲蕭揚州作薦士表

七葉重光注晉中興書曰王祥弟覽覽生導導生洽洽生珣珣生曇首。正曰按野客叢書曰善注謂覽生導

非也晉書覽生裁裁生導王筠亦曰未有七葉名德重  
光爵位相繼如吾門者筠蓋與暕再從兄弟皆曇首曾  
孫所以俱有七葉重光之語

上秦始皇書

迎蹇叔於宋。補曰史記索隱曰於宋未詳所出正義  
曰括地志蹇叔岐州人時遊宋故迎之於宋

來邳豹公孫支於晉注左氏傳曰晉卻芮丕鄭丕豹奔  
秦。正曰趙云按左傳是晉卻芮殺丕鄭其子丕豹奔  
秦注引乖舛。補曰史記索隱曰公孫支所謂子柔也

文選李注補正卷三

七讀書齋叢書甲

是秦大夫而云自晉以來亦未見其所出正義曰括地  
志云公孫支岐州人支遊晉後歸秦

拔三川之地西并巴蜀。補曰史記索隱曰儀爲秦相  
雖錯滅蜀甘茂通三川皆歸功於相又三川是儀先請  
伐故也梁氏玉繩史記志疑曰攷華陽國志伐蜀乃儀  
爲主將而司馬錯副之豈徒歸功已哉

上書吳王

臣聞鷲鳥累百不如一鶚注如淳曰鷲鳥比諸侯鶚比  
天子。正曰趙云鷲鳥卽下文武力死士喻吳王同黨



一鶚自喻如淳說非

獄中上書自明

左右不明注不敢斥王也。正曰何云按下文皆言爲左右所排非避指斥也左右謂勝詭之徒

是以申徒狄蹈雍之河注爾雅曰水自河出爲雍言狄先蹈雍而後入河也。正曰金云史記索隱曰漢書云自沈於河服虔云雍州之河也又新序作抱甕自沈於河不同也按善注迂曲依服說爲是

齊用越人子臧而疆威宣注張晏曰子臧越人也。補

文選李注補正卷三

文選李注補正卷三

曰金云按史記作越人蒙索隱曰越人蒙未見所出漢書作子臧張晏曰子臧或是越人蒙字也

封比干之後脩孕婦之墓。補曰史記志疑曰二事經傳無攷疑誤也通志氏族略謂譜家云比干爲紂所戮其子堅逃長林之山遂爲林氏其說出林寶元和姓纂鄭氏已糾其妄又書秦誓疏引帝王世紀云紂剖比干妻以視其胎或者脩孕婦之墓卽是脩比干墓歟

無愛於士注於士所求無所愛惜也。正曰案新序作無變於士與上句終與之窮達意相貫疑愛字誤李氏

據誤本而曲爲之說也

距之客可使刺由○補曰金云刺由闕注史記索隱曰  
竝見戰國策

然則荆軻湛七族注應劭曰荆軻爲燕刺秦王不成而  
死其七族坐之沈沒也○補曰史記志疑曰論衡語增  
篇言秦王誅軻九族復滅其一里與此不同而漢書作  
軻湛七族師古曰此無荆字尋諸史籍荆軻無湛族之  
事不知陽所言何人野客叢書又云湛之爲義言隱沒  
也軻得罪秦凡軻親屬皆竄迹隱遯不見於世非謂其  
滅七族高漸離變姓名匿於宋子正此意未知孰是  
故里名勝母曾子不入○補曰史記索隱曰淮南子及  
鹽鐵論云里名勝母曾子不入蓋以名不順故也尸子  
以爲孔子至勝母縣暮而不宿則不同也志祖按史記  
作縣名勝母此從漢書作里說苑談叢作邑

上書諫獵

勇期賁育○補曰金云史記正義曰賁育亦古之猛士  
也按國策曰賁育大史啟叱呼駭三軍

駭不存之地○補曰史記索隱曰謂所不慮而猛獸駭



發也

坐不垂堂注張揖曰畏欄瓦墮中之也○正曰按顏師古漢書注垂堂者近堂邊外恐自墜墮耳非畏欄瓦

上書重諫吳王

齊王殺身以滅其迹注漢書曰齊王聞吳楚平乃自殺今乘已言之漢書與此必有一誤也○正曰圓沙本引湘曰此書真有可疑朝羌荏侏治上林皆武帝事景帝時何得云然蓋不特齊王一事相牴牾也金云按史記齊悼惠王世家敘齊孝王自殺在爰布等破膠西三國

又選李注補三卷三

子讀書齋叢書甲

之後與漢書合而與乘語不合然吳王濞傳曰吳王身自爲使使膠西面結之膠西王遂發使約齊菑川膠東濟南濟北皆許諾吳王先起兵膠西正月丙午誅漢使膠東菑川濟南楚趙亦然遂發兵西齊王後悔飲藥自殺畔約濟北王郎中令劫守其兵膠西爲渠率膠東菑川濟南共攻圍臨菑是齊王先與諸國通謀至發兵時中悔自殺王死而膠西等乃圍臨菑也合之此書則齊王定是先死乘目擊其事而進苦口之言更無容妄說也但史記傳聞異詞兩處互異漢書專據世家以爲說

耳志祖按漢書吳王濞傳齊王後悔背約城守無飲藥自殺四字齊王之自殺自當在吳楚平後於情事爲合史記吳王濞傳飲藥自殺四字駁文也

四國不得出兵其郡注晉灼曰膠東膠西濟北菑川四國王也。正曰按濟北漢書引晉灼注作濟南是

### 詣建平王上書

豫三五賤伎之末。正曰許云三五疑卽格五或三字誤也漢書虞邱壽王以善格五待詔注以三五爲軍術與賤伎不合

### 文選李注補正卷三

王讀書齋叢書甲

### 奏彈曹景宗

景宗卽主注主謂主首也王隱晉書庾純自劾曰醉酒荒迷昏亂儀度卽主臣謹按河南尹庾純云云然以主爲句臣當下讀也。正曰洪邁容齋四筆云漢文帝問陳平決獄錢穀平謝曰主臣史記漢書竝同張晏曰若今人謝曰惶恐也文穎曰猶今言死罪也晉灼曰主擊也臣服也言其擊服皇恐之詞李善捨漢史所書而引王隱晉書云云以主爲句則臣當下讀殊爲非是不知所謂某人卽主有何義哉

葉云下彈劉整篇謹案至卽主云云昭明刪至主字截住



臣字連下讀以此例  
推自應截主爲句

### 奏彈劉整

人之無情一何至此。補曰漢晉春秋司馬文王與劉後主宴爲之作故蜀技後主喜笑自若王謂賈充曰人之無情乃可至於此乎見蜀志注

### 奏彈王源

薰蕕不雜聞之前典注家語顏回曰聞薰蕕不同器而藏。補曰世說王丞相初在江左欲結賢人請婚陸太尉陸曰培塿無松柏薰蕕不同器吾雖不才義不爲亂

文選李注補正卷三

三讀畫齋校書甲

### 倫之始

納女於管庫之人。補曰何云謂吳郡正閤主簿

### 荅東阿王牋

秉青萍干將之器。正曰汪云注引呂氏春秋謂青萍爲豫讓之友乃自殺者又引張升反論曰青萍砥礪於鋒鏑庖丁剖犧於用刀今此文義與干將竝稱爲器則張與陳所云當別有據而注未之及金云青萍劍名豫讓之友不合

### 爲鄭沖勸晉王牋

禽闔閭之將注闔閭吳王也。以比孫權。補曰國策蘇子說齊閔王曰：雖有闔閭吳起之將，禽之戶內。

拜中軍記室辭隋王牋

抽揚小善。補曰許云說文抽引也。後漢書范滂傳抽拔幽陋。

効蓬心於秋實。注韓詩外傳簡主曰：夫春樹桃李，秋得食其實也。正曰何云秋實自用邢顥事。

百辟勸進今上牋

任彥昇注劉璠梁典曰：帝詔授公梁公加公九錫公辭。

文選李注補正卷三

三讀書齋校書甲

於是左長史王瑩等勸進，公猶謙讓未之許。瑩等又牋竝任昉之辭也。補曰何云梁書邱遲傳以此牋爲遲作與梁典異。

荅蘇武書

題注。補曰劉知幾史通云：李陵集有與蘇武書詞，采壯麗音句流靡，觀其文體不類西漢人。殆後來所爲，假稱陵作也。

而執事者云云。注謂漢朝執事之人也。正曰按執事卽謂蘇武也。注非。



彼二子之退舉注二子謂范蠡曹沫也言諸侯才能者被囚戮不如二子之能雪恥報功也。正曰按容齋續筆曰二子謂上文賈誼亞夫也退舉猶言往事

陵雖孤恩注論語曰德不孤必有鄰。正曰按此孤恩與論語義迥異

### 報任少卿書

孔子適陳注家語曰孔子居衛月餘靈公與夫人同車出令宦者雍渠參乘使孔子爲次乘遊過市孔子曰吾未見好德如好色於是恥之去衛過曹此言孔子適陳

### 文選李注補正卷三

三石讀書齋校書甲

未詳。正曰汪云按史記孔子始至衛卽適陳後又至衛過宋適陳論語衛靈公問陳明日遂行在陳絕糧孔子三至衛皆適陳其見南子在畏匡還衛之後時去適宋又去適陳家語所言適曹恐是適宋之誤而司馬書固無誤也

而事乃有大謬不然者夫注夫語助也論語子曰有是夫。正曰按夫字當屬下句讀

更張空拳注李登聲類云拳或作卷拳則屈指不當言張陵時矢盡故張弩之空弓非手拳也李奇曰拳者彎

弓也。○正曰趙云矢已盡矣空卷張之何益奮拳而敵便是張義何必以屈指爲疑似無庸改拳爲卷也

而僕又但之蠶室注但次也。○補曰爾雅但貳也貳有次義

不韋遷蜀世傳呂覽。○補曰史通云案呂氏之脩撰也廣招俊客比跡春陵共集異聞擬書荀孟思刊一字購以千金則當時宣布爲日久矣豈以遷蜀之後方始傳乎且必以身旣流移書方見重則又非關作者本因發憤著書之義也若多舉故事成其博學何不云虞卿窮

文選李注補正卷三

三 孟 讀書齋藏書甲

愁著書八篇

僕竊不遜。○正曰何云不遜猶言當仁不讓志祖案不遜與不敏同謙詞也注引論語近之則不遜非

報孫會宗書

幸賴先人餘業。○補曰金云暉父敞爲丞相封安平侯太史公報任少卿書曰僕賴先人緒業得待罪輦轂下總領從官注從天子侍從官也。○補曰金云按柏梁詩光祿勳曰總領從官柏梁臺暉前爲光祿勳也

論盛孝章書



其人困於孫氏。○補曰：何云時憲避難於許昭家。

為曹公作書與孫權

何必自遂於此不復還之注。言我尚冀君之餘地。何必  
荆州之土不復還我哉。○正曰：許云言荆州之役無損  
於我。何必遂自嫌貳不復還往乎之往也。詳此書欲與  
孫氏結好不復還之與下願聞德音相應注。以為何必  
荆州之土不復還我。殊非此書前後並無欲還荆州之  
意也。

豫章距命注。吳志曰：劉繇字正禮避亂淮浦。詔遣為揚

文選李注補正卷三

王讀畫齋叢書甲

州刺史繇不敢之。州遂南保豫章。○補曰：按劉繇據豫  
章不久旋即病卒。孫策西伐江夏還過豫章。收載繇喪。  
見吳志。繇傳此書之作。乃在孫策薨後。權據江東之時。  
劉繇死久矣。豫章距命之言。恐涉虛飾。

與朝歌令吳質書

題注漢書曰：魏郡有朝歌縣。○正曰：何云漢朝歌屬河  
內郡。建安十年始割以益魏郡。

與鍾大理書

爛然滿目。注延篤與李文德書曰：吾誦伏犧氏之易。煥

兮爛兮其滿目。○正曰金云按篤書備言誦易書禮春秋詩與百家衆氏故有煥爛之句此摘引未妥宜刪去誦易句本云煥爛兮其溢目也文亦小異

與楊德祖書

恃惠子之知我也。○補曰趙云惠子惠施也用莊子事與滿公琰書

楊倩說於范武注范武未詳。○補曰按李周翰注云范武古之善爲酒者亦想當然耳

與從弟君苗君胄書

文選李注補正卷三

三讀畫齋校書甲

且宦無金張之援。○補曰漢書蓋寬饒傳曰上無許史之援下無金張之託

與山巨源絕交書

故有處朝廷而不出入山林而不反之論注班固漢書贊曰山林之士往而不能反朝廷之士入而不能出二者各有所短。○正曰韓詩外傳云朝廷之士爲祿故入而不出山林之士爲名故往而不返在漢書前

己爲未見恕者所怨至欲見中傷者注言人於己爲未見有矜恕之者。○正曰金云此謂不脩弔禮已曾爲不



見諒之人所怨至欲中傷雖亦以此自責而性終不可化也注於己爲句解得牽強

雖瞿然自責注班固漢書惠帝贊曰聞叔孫通之諫則瞿然○正曰金云瞿然屢見檀弓豈待漢書

豈可見黃門而稱貞哉○補曰何云黃門不男者也癸辛雜識引佛書甚詳

爲石仲容與孫皓書

曹譚以無禮取滅注左氏傳曰晉公子重耳奔狄反曹曹共公聞其駢脇欲觀其裸浴薄而觀之及卽位晉侯

文選李注補正卷三

三天讀書齋叢書甲

圍曹○正曰金云晉文公之舉曹未嘗滅也曹伯陽背晉于宋宋伐之晉人不救宋滅曹此小不事大無禮取滅之事似應兼引引觀浴事亦宜增引僂負羈之妻曰晉公子得志於諸侯而誅無禮曹其首也云云

思復翰飛飲馬南海注毛詩曰翰飛戾天鄭元曰翰高也李陵與蘇武書曰陵當謂單于畜兵養士循先將軍之令將飲馬河洛收珠南海○正曰趙云詩曰王旅嘽嘽如飛如翰左傳曰楚子將飲馬於河而歸

其會如林注尚書曰受率其旅若林○正曰按此本用

詩大雅成句不當引書

重荅劉秣陵沼書

雖隙駟不畱。補曰禮記曰三年之喪若駟之過隙

移書讓太常博士

昔唐虞既衰。補曰何云陶唐氏既衰而後有劉累衰  
字有本

往者綴學之士。補曰王應麟困學紀聞曰大戴禮小  
辯篇子曰綴學之徒安知忠信劉歆歆書綴學之士本此  
內外相應。補曰何云內謂陳發祕藏外謂桓公貫公

文選李注補正卷三

五讀畫齋叢書甲

庸生之學

北山移文

鍾山之英草堂之靈。補曰呂向注鍾山在都北其先  
周彥倫隱於此山後應詔出爲海鹽縣令欲却過此山  
孔生乃假山靈之意移之使不許得至

值薪歌於延瀨注薪歌延瀨未詳。補曰呂向注蘇門

先生游於延瀨見一人採薪謂之曰子以終此乎採薪

人曰吾聞聖人無懷以道德爲心何怪乎而爲哀也遂

爲歌二章而去志祖案延瀨疑指延陵季子取遺金事



論衡書虛篇云披裘而薪與此薪歌合韓詩外傳則以爲牧者蓋傳聞異調也至呂注所引蘓門先生事不詳出何書

### 爲袁紹檄豫州

因賊假位。補曰何云范書宦者傳嵩靈帝時貨賂中官及輸西園錢一億萬故位至太尉

榜楚參并。補曰魏志滿寵傳爲許令時故太尉楊彪收付縣獄尚書令荀彧少府孔融等竝屬寵但當受辭勿加考掠寵一無所報考訊如法

文選李注補正卷三

三讀畫齋叢書甲

內相掩襲。補曰何云范史注引獻帝春秋曰曹操引軍渡河託言助紹實圖襲鄴以爲瓚援會瓚破滅紹亦覺之以軍退屯于敖倉

### 檄吳將校部曲

於安思危注封禪書曰興必慮衰安必慮危。正曰左傳魏絳引書曰居安思危又於安思危見逸周書程典解不當引漢書

身罄越軍。補曰金云按文王世子曰罄于甸人注曰罄懸縊殺之也罄與磬同夫差縊死故云

盛孝章君也。○補曰張銑注盛孝章爲吳郡太守權吳人故云君也。

近魏叔英。○補曰何云後漢書黨錮傳魏朗字少英會稽上虞人當是叔英也。

虞文繡。○補曰何云虞仲翔父名歆爲日南太守

周泰明。○補曰何云泰明周昕字

聞魏周榮。○補曰何云周榮會稽典錄作周林吳夫人傳注中引典錄名騰吳範傳及注作滕

文選李注補正卷三

三  
讀畫齋叢書甲

文選李注補正卷三



文選李注補正卷四

仁和孫志祖頤谷輯

解嘲

支葉扶疎獨說十餘萬言。補曰王氏鳴盛曰說十餘萬言當爲法言非指太元然今法言具存按其正文大約不及萬言而此云十餘萬言則不可解。孟軻雖連蹇。補曰許云易林胡言連蹇。

荅賓戲

商鞅挾三術以鑽孝公注服虔曰王霸富國強兵爲三

文選李注補正卷四

一讀書齋藏書印

術。正曰野客叢書曰三術者帝道王道霸道商君說秦孝公用此三術也事見本傳雖繼之以富國之說卽霸者之用耳志祖案李周翰注亦云三術謂帝王霸漢書應劭注與服虔同

毛詩序

先王之所以教注先王指太王王季文王也。正曰案鄭箋云先王斥太王王季二南美文王之化而歸本於先王之教不應先王內并數文王

尚書序

是故歷代寶之以爲大訓。補曰正義曰顧命云越王五重陳寶卽以赤刀大訓在西序是寶之以爲大訓之文。

贊易道以黜八索述職方以除九邱。補曰正義曰知必黜八索除九邱者以三墳五典本有八今序止有二典而已其五典三墳今乃寂寞明其除去旣墳典書內之正尚有去者況書外乎故知邱索亦黜除也。

典謨訓誥誓命之文凡百篇。補曰正義曰尚書緯云孔子求書得黃帝元孫帝魁之書迄於秦穆公凡三千

文選李注補正卷四

二讀書齋叢書甲

二百四十篇斷遠取近定可以爲世法者百二十篇以百二篇爲尚書十八篇爲中候以爲去三千一百二十篇。

我先人用藏其家書於屋壁。補曰正義曰家語序云子襄以秦法峻急壁中藏其家書是安國祖藏之。

增多伏生二十五篇。補曰正義曰壁內所得孔傳凡

五十八篇三十三篇與鄭注同二十五篇增多鄭注二

十五篇者大禹謨一五子之歌二嗣征三仲虺之誥四

湯誥五伊訓六太甲三篇九咸有一德十說命三篇十



三泰誓三篇十六武成十七旅獒十八微子之命十九  
蔡仲之命二十周官二十一君陳二十二畢命二十三  
君牙二十四罔命二十五  
爲四十六卷。補曰正義曰此云爲四十六卷者謂除  
序也

春秋左氏傳序

大事書之於策小事簡牘而已。補曰正義曰單執一  
札謂之爲簡連編諸簡乃名爲策牘乃方板可以竝容  
數行大事者謂君舉告廟及鄰國赴告經之所書皆是

文選李注補正卷四

三讀畫齋叢書甲

也小事者謂物不爲災及言語文辭傳之所載皆是也  
故傳或先經以始事或後經以終義或依經以辨理或  
錯經以合異。補曰正義曰先經者若隱公不書卽位  
先發仲子歸于我衛州吁弑其君完先發莊公娶于齊  
如此之類是先經以始事也後經者昭二十二年王室  
亂定八年乃言劉子伐孟以定王室哀二年晉納蒯聵  
于戚哀十五年乃言蒯聵自戚入衛如此之類是後經  
以終義也依經者經有其事傳辯其由隱公不書卽位  
而求好于邾故爲蔑之盟案其經文明其歸趣如此之

類是依經以辯理也錯經者若地有兩名經傳互舉及經侵傳伐經伐傳侵於文雖異於理則合如此之類是錯經以合異也

然劉子駿創通大義賈景伯父子許惠卿皆先儒之美者也末有穎子嚴者雖淺近亦復名家。補曰正義曰漢書楚元王傳劉歆字子駿劉向少子也左氏傳多古字古言學者傳訓詁而已及歆治左氏引傳文以解經經傳相發明由是章句義理備焉是其創通大義也後漢賈逵字景伯扶風人也父徽字元伯受業於歆作春秋條例逵傳父業作左氏傳訓詁許惠卿名淑魏郡人也穎子嚴名容陳郡人也比于劉賈之徒學識雖復淺近然亦注述春秋名爲一家之學

說者以仲尼自衛反魯脩春秋立素王丘明爲素臣。補曰正義曰說左氏者言孔子自衛反魯撰述春秋三年文成致麟麟是帝王之瑞故有素王之說言孔子自以身爲素王故作春秋立素王之法丘明自以身爲素臣故爲素王作左氏之傳漢魏諸儒皆爲此說

麟鳳五靈。補曰正義曰麟鳳龜龍白虎



至於反袂拭面稱吾道窮亦無取焉。○補曰正義曰公羊稱孔子間獲麟反袂拭面涕沾袍曰吾道窮矣杜旣取公羊經止獲麟而公羊獲麟之下卽有此傳嫌其并亦取之故云亦無取焉。

### 三都賦序

是以孫卿屈原之屬。○補曰趙云荀卿有禮知雲蠶箴五賦在荀子中漢書藝文志屈原賦二十五篇。

### 王元長三月三日曲水詩序

挈壺宣夜辨氣朔於靈臺注左氏傳曰公旣視朔遂登觀臺以望而書雲物。○正曰趙云續漢志曰候氣之法殿中用玉律十二惟二至乃候靈臺用竹律六十候日如其律注引左傳不合。

### 王文憲集序

至若齒危髮秀之老注鄭氏禮記注曰危高也然齒危謂高年也。○正曰齒危謂齒將落也不當訓高。

夷雅之體。○正曰荀子由禮則雅不由禮則夷與此處夷雅義別不當贅引。

與公母武康公主素不協。○補曰案南史王僧綽儉父傳

尚東陽獻公主與此序武康公主異儉本傳云儉嫡母武康主楊氏鳳苞云初封武康進封東陽

挂服捐駒注挂服未詳○補曰李周翰注魏裴潛爲兗州刺史嘗作一胡牀及去畱挂於壁案事見魏志裴潛傳注引魏略所用物皆呼爲服

### 聖主得賢臣頌

忽若慧汜畫塗注塗路也○正曰顏師古注云塗泥也如以刀劃泥中

及至駕齧膝注應劭曰馬怒有餘氣常齧膝而行也○

### 文選李注補正卷四

六讀畫齧膝書甲

正曰孟康注曰良馬低頭口至膝故曰齧膝

休徵自至壽考無疆○補曰何云漢書曰是時上頗好神仙故褒對及之

### 漢高祖功臣頌

觀幾蟬蛻○補曰趙云易曰君子見幾而作不俟終日史記屈原傳曰濯淖汙泥之中蟬蛻於濁穢

滌穢紫宮注勃曰臣無功請得除宮○正曰金云按史記東平侯興居云云非勃語勃遣朱虛侯入宮擊殺呂產卽所謂滌穢也



皇媼來歸。○補曰顧炎武日知錄云漢儀注高帝母兵起時死小黃後於小黃作陵廟本紀五年卽皇帝位于汜水之陽追尊先媼爲昭靈夫人則其先亡可知而十年有太上皇后崩乃太上皇崩之誤文重書而未刪也侯公說羽羽乃與漢約中分天下九月歸太公呂后竝無皇媼

東方朔畫贊

神交造化。○補曰淮南子云宮天地懷萬物而友造化大人來守此國注此國謂樂陵也其父爲樂陵郡守史傳不載難得而知也。○補曰陳氏景雲云潘岳夏侯湛誄云父守淮岱治亦有聲淮謂淮南岱卽謂樂陵也

三國名臣序贊

故有道無時孟子所以咨嗟注孟子曰齊人有言雖有智慧不如乘勢雖有鎡基不如待時。○正曰趙云當引充虞路問章

封禪文

昆蟲闡澤。○正曰許云韋昭音愷驛詩齊子豈弟鄭箋豈讀爲闡古文尚書以弟爲團團明也韋昭之音蓋用

鄭義李善既用韋音而不知其說又引文穎之解以闡澤爲樂非也

鬼神接靈園○補曰郭璞注靈園古仙人也

蓋號以況榮注蓋者發語之辭也○正曰史記攷異曰蓋讀如盍文穎訓爲合合號猶言合符也小顏以爲語辭似迂

### 劇秦美新

若夫白鳩丹鳥○補曰宋書符瑞志曰白鳩成湯時來至

文選李注補正卷四

八讀畫齋叢書甲

舊三爲一襲○補曰何讀襲字絕句劉良注云襲行於時當以襲字屬下句許云封禪文襲舊六爲七此用倒裝句法置襲字於下

### 典引

胡縊莽分○補曰金云按法言曰秦縊霸上楚分江西史記但云二世自殺縊死之文未詳所出乃先孕虞育夏甄殷陶周注言測度漢本至唐乃妊舜育禹化契成稷皆爲之父母模範也○正曰按孕育甄陶言德兼四代也不必作父母模範解

將緝萬嗣注緝使也緝與拑古字通○正曰許云爾雅



拚使也廣雅緝續也此當作續字解善注非

### 晉紀總論

擾天下如驅羣羊舉二都如拾遺芥○補曰金云戰國策司馬錯曰譬如使豺狼逐羣羊也張儀曰無以異於驅羣羊而攻猛虎漢書夏侯勝曰經術苟明其取青紫如俯拾地芥耳

君子勤禮小人盡力○補曰何云二句乃左傳所載劉康公之言

是以目三公以蕭杙之稱注蕭杙未詳○補曰劉良注

文選李注補正卷四

九讀書齋叢書甲

云蕭然自放杙爾無爲

長沙之權注王隱晉書曰父字士度封長沙王拜步兵校尉齊王罔相攻罔敗縛至上前父叱左右斬之河間王顒欲廢太子立成都王欲先誅父出征連戰敗走遂誅之○正曰長沙之死由東海王越收送別省爲張方所殺竝非敗死注誤

### 後漢書皇后紀論

題注○補曰音義云按後漢書此是卷首序體非論下宦者逸民傳論沈約宋書恩倖傳論竝同此誤

夫人坐論婦禮○補曰周禮序官九嬪注云夫人之于猶三公之于王坐而論婦禮無官職

### 逸民傳論

士之蘊藉義憤甚矣注東觀漢記曰桓榮溫恭有蘊藉明經義○正曰金云蘊藉始見史記酷吏傳曰治敢行少蘊藉漢書薛廣德傳曰溫雅有蘊藉俱在桓榮前至此處用此二字意獨有別似直作蘊蓄解

肅宗亦禮鄭均○補曰何云禮鄭均謂予之白衣尚書祿以遂其高

### 文選李注補正卷四

十讀書齋叢書甲

### 恩倖傳論

胡廣累世農夫伯始致位公相注後漢書曰胡廣字伯始○正曰何云胡廣當作匡衡以前後漢書攷之可見注家無改正者伯始亦當改稚圭

### 過秦論

於是秦人拱手而取西河之外○補曰史記志疑曰秦惠文王八年魏入河西地於秦孝公時安得至西河之外乎商君傳有魏惠王割河西地獻秦以和之語竝

誤



翟景注未詳○補曰史記志疑曰翟景疑是趙策翟章吞二周而亡諸侯○補曰宋吳枋宜齋野乘曰秦昭王五十一年滅西周其後七年莊襄王滅東周則吞二周乃始皇之曾祖與父非始皇也

却匈奴七百餘里○補曰金云史記劉敬曰匈奴河南白羊樓煩王去長安近者七百里又匈奴傳曰始皇帝使蒙恬擊胡悉收河南地因河爲塞凌穉隆云河南地今河套是也廣七百里號新秦中蒙恬所取者

四子講德論

文選李注補正卷四

上讀書齋叢書甲

周公受秬鬯而鬼方臣注周公受秬鬯未詳○補曰金云書洛誥周公曰佻來毖殷乃命寧予以秬鬯二卣曰明禋拜手稽首休享論衡儒增篇曰周時天下太平越裳獻白雉倭人貢鬯草

宣王得白狼而夷狄賓注史記曰穆王征犬戎得四白狼以歸今云宣王未詳○補曰徐文靖管城碩記云按瑞應圖曰王者仁德則白狼見周宣王時白狼見西國滅後魏書靈徵志曰太安三年三月有白狼一見於太平郡議者曰先帝本封之國而白狼見焉無窮之徵也

周宣王得之而犬戎服

焦齒臬矚注焦齒未詳○補曰金云周書王會解曰黑齒白鹿白馬焦齒殆卽黑齒也

### 王命論

考五者之所謂○補曰按五者卽指上文高祖之興有五也李周翰注爲五行相承其說非

### 六代論

于今二十有四矣○補曰何云二十四年則此論當齊王芳正始四年上也又六年爲嘉平元年春曹爽誅滅

文選李注補正卷四

上讀畫通爲叢書甲

魏祚遂爲司馬氏所奪

### 養生論

齒居晉而黃注齒黃未詳○補曰按陸佃埤雅云世云噉棗令人齒黃晉齒食此故也爾雅翼云晉人尤好食棗蓋安邑千株棗比千戶俟其人寘之懷袖食無時久之齒皆黃

### 運命論

顏冉大賢注冉求字子有○正曰何云冉謂仲弓非子有也



辯亡論上

旋皇興於夷庚注夷庚者藏車之所○正曰困學紀聞云按左傳成十八年披其地以塞夷庚正義謂平道也二字出於此注誤

戎馬無晨服之虞○補曰汪云注晨服二字無解晨服猶云夙駕

辯亡論下

親仁罄丹府之愛○補曰金云丹府猶赤心也府同腑削投惡言○補曰金云左傳宋左師請賞公與之邑六十以示子罕子罕削而投之又漢書朱博傳云投刃使削所記遣出就職

五等論

皇祖夷于黥徒注史記曰荆王劉賈者不知何屬高祖立賈爲荆王淮南王黥布反東擊劉賈與戰不勝走富陵爲布軍所殺漢書曰賈稱從凡而機以爲皇祖蓋別有所見楚漢春秋曰下蔡亭長詈淮南王曰封汝爵爲千乘東南盡日所出尚不足黥徒羣盜所邪而反何也然黥當爲黔○正曰金云高祖征黥布被創行道病甚

而崩所謂皇祖夷于黥徒者此也注又牽入被殺之劉賈遂以稱兄稱祖爲疑自生枝節無謂之甚黥當爲黔亦不可解想文選本誤作黔布故注云黔當爲黥後人校正本文黔字而注中黔黥二字反顛倒誤刻耳志祖按六臣本注無史記曰至蓋別有所見一段

一夫縱橫則城池自夷注一夫謂董卓也○正曰何引陳景雲云二句蓋指漢末羣盜披猖殘破郡縣注似誤使其竝賢居治則功有厚薄兩愚處亂則過有深淺注言八代同建五等而廢興殊迹者譬竝賢居治而功有優劣也秦漢同立郡縣而修短異期者譬兩愚居亂而過有輕重也○正曰何云竝賢兩愚合五等與郡縣言之注失其意

### 辯命論

且于公高門以待封巖母掃墓以望喪○補曰周嬰卮林曰按荀悅漢紀此東海人風謠漢書不載孝標蓋全用之

### 廣絕交論

范張款款於下泉注王仲宣七哀詩曰悟彼下泉人○



正曰何云七哀所謂下泉非及泉也注贅

縱碧雞之雄辯注馮衍與鄧禹書曰衍以爲寫神愉意則聊城之說碧雞之辯不足難也王褒碧雞頌曰持節使者敬移金精神馬剽剽碧雞歸來歸來漢德無疆黃龍見兮白虎仁歸來歸來可以爲倫歸來翔兮何事南荒○正曰金云按碧雞與黃馬同出公孫龍子馮衍所云殆卽指此碧雞頌與談辯無涉

是以伍員濯漑於宰嚭張王撫翼於陳相注言宰嚭由伍員濯漑而榮顯詔旣貴而譖員陳餘因張耳撫翼而

文選李注補正卷四

五讀畫齋叢書甲

奮飛餘旣尊而襲耳故曰窮交也○正曰何云引四人事只取其困急相依作窮交之證譖員襲耳之注似贅流離大海之南寄命障癘之地注梁典不言昉子遠之交桂今言大海之南者蓋言流離之甚也○正曰汪云此紀實事豈有虛指地名之理是必實有是事而無可考耳

演連珠

不發傅巖之夢○補曰班固荅賓戲曰殷說發夢于傅巖

是以蒲密之黎遺時雍之世注密令卓茂或者以密爲  
宓子賤但子賤爲政雖則有聞以邑對姓恐文非體也

○補曰汪云沈約宋書良吏傳序曰蒲宓之化事未易  
階正作宓字李氏偶未記及此耳

案劇談錄云狄惟謙有蒲密之政作密字

### 女史箴

天道惡盈注周易曰鬼神害盈而禍謙○正曰金云何  
不引天道虧盈而益謙人道惡盈而好謙偏引此句又  
李固災異對策曰天道惡盈

### 封燕然山銘

#### 文選李注補正卷四

十六讀畫齋叢書甲

納于大麓注尚書曰納于大麓烈風雷雨弗迷○補曰  
金云史記五帝本紀曰堯使舜入山林川澤索隱曰尚  
書云納于大麓孔氏以麓訓錄言令舜大錄萬機之政  
與此不同按後漢書竇憲傳和帝卽位太后臨朝憲以  
侍中內幹機密大宣誥命此用納麓蓋亦本孔義

### 石闕銘

凶渠泥首○補曰卮林曰李善不釋泥首之義不若劉  
良注云泥其頭面以降差爲明暢

懸書有附委篋知歸注懸書則懸法也委篋則藏書也



重用之故變文耳。正曰金云梁脩謫木肺石之制委  
篋似卽投匭之說謂陳訴者望闕而知所向耳與上句  
自是兩意

楊荊州詠

謂督勳勞注說文曰督察也。正曰困學紀聞云當引  
左氏謂督不忘古字督與篤通用卽微子之命曰篤不  
忘以督爲察非也

楊仲武詠

日昃景西望子朝陰。補曰金云周禮曰日東則景夕  
文選李注補正卷四

七讀畫齋叢書甲

多風日西則景朝多陰景朝多陰者謂得日遲此以比  
仲武少年光景正未有艾也

夏侯常侍詠

奉轡承華注漢舊儀有承華殿。補曰金云陸機洛陽  
記曰太子宮中有承華門見贈馮文熊遷斥邱令詩注

馬汧督詠

狄隸可頌注周禮有蠻隸夷隸鄭元曰征蠻夷所獲也  
。正曰金云此宜引左傳晉侯賞中行桓子狄臣于室

事

陶徵士誄

夫璿玉致美不爲池隍之寶注山海經曰升山黃酸之水出焉其中多琬玉說文曰琬亦璿字。正曰趙云穆天子傳曰天子之珺玉果璿珠注之琬玉乃是一物不可以對桂椒也

母老子幼。補曰趙云母疑作父靖節年十二喪母三十七乃喪父也

元嘉四年月日卒于尋陽縣之某里。補曰趙云靖節下世之月據挽歌及自祭之文似無疑然朱子綱目書於十一月必非無據惜未之攷也

文選李注補正卷四

大讀畫齋叢書甲

獨正者危至方則闕哲人卷舒布在前載取鑒不遠吾規子佩。補曰趙云此述靖節戒己之詞

爾實愀然中言而發違衆速尤迕風先蹙身才非實榮聲有歇叡音永矣誰箴余闕。補曰趙云此延年自述之詞而中閒違衆速尤四語則自咎之詞也

宋孝武宣貴妃誄

龍鄉輟曉注陳畱風俗傳曰允吾縣者宋陳楚地故梁國寧陵種龍鄉也出鳴雞。正曰金云此句恐用燭龍



事注所引僻而小似與出句不稱

元皇后哀策文

登曜紫闈○補曰許云史記天官書天極星後句四星  
末大星正妃餘三星後宮之屬也皆曰紫宮

齊敬皇后哀策文

懷豐沛之綢繆兮注豐沛喻帝鄉也○正曰何云蕭氏  
陵在武進故云豐沛

接龍帷於造舟○補曰何云太祖紀云梓宮於東府前  
渚升龍舟

文選李注補正卷四

九讀畫齋錄書甲

哀日隆於撫鏡注西京雜記曰宣帝被收繫郡邸獄臂  
上猶帶史良娣合綵婉轉絲繩係身毒寶鏡一枚云云  
○正曰何云於時佛法未入中國安得身毒寶鏡爲甲  
觀之佩明是六朝人附會之書也撫鏡當引明帝觀陰  
后鏡奩中物事

褚淵碑文

敦穆於閨庭注王隱晉書曰汜勝之穆敦九族○正曰

汪云考晉書儒林傳汜毓字稚春濟北人奕世儒業敦

睦九族注引王隱書亦是汜毓傳抄者誤爲勝之汜勝之漢

成帝時爲議郎見  
漢書藝文志注

遷尚餘姚公主。補曰案南齊書褚淵傳云尚文帝女南郡獻公主後又云淵妻宋故巴西主與此文餘姚公主互異案南郡巴西皆郡名而餘姚則縣蓋初封也荀裴之奉魏晉注魏志曰太祖封荀攸亭侯轉爲中軍師魏國初建爲尚書令。正曰何引陳景雲云荀謂荀顗也注似誤

餐輿誦於上里。補曰趙云莊子曰是謂上里之言

五臣茲六注呂氏春秋曰武王之佐五人高誘曰周公

文選李注補正卷四

三子讀書齋叢書甲

且召公奭太公望畢公高蘇公忿生也。正曰何云五臣似當引論語舜有臣五人而天下治何必引呂氏春秋

### 頭陀寺碑文

況法身圓對。補曰許云佛有三身一法身二報身三應身

九十六種。補曰許云翻譯名義集外道篇云辨正論曰九十五種騰翥於西戎三十六部淆亂於東國垂裕之準九十六外道經於中一道是正卽佛也九十五皆



邪華嚴大論九十六皆邪者以大斥小  
王以心競注莊子曰舜之治天下使民心競王隱晉書  
荀勗議曰君子心競而不力爭。正曰按此當引左傳  
曰臣不心競而力爭

齊故安陸昭王碑文

南接衡巫注衡巫三江名。正曰按劉良注云衡巫二  
山名當改從之

弈思之微秋儲無以競巧注孟子曰弈秋通國之善弈  
者也儲謂儲蓄精思也。正曰困學紀聞云儲字未詳  
蓋亦善弈之人注謂儲蓄精思非也

文選李注補正卷四

主讀畫齋藏書印

痛棠陰之不畱注淮南子曰日朝發扶桑入于落棠高  
誘曰扶桑日所出落棠山日所入也。正曰注云按此  
似用召伯甘棠之事未必謂落棠山  
敵之穹壤。補曰金云按魯連遺燕將書曰名與天壤  
相敵敵字用意本此

齊竟陵文宣王行狀

寄深負圖。補曰趙云漢書霍光傳曰上年老趙婕妤  
有男心欲以爲嗣察羣臣惟光任大重可屬社稷乃使

黃門畫者畫周公負成王朝諸侯以賜之

弔屈原文

方正倒植。補曰許云倒植卽倒置植與置古字通論語植其杖石經作置

吁嗟默默注毛詩曰吁嗟鳩兮。正曰金云楚辭卜居曰吁嗟默默賈蓋用其語若引詩則麟兮更在前矣

弔魏武帝文

擠爲山乎九天。正曰許云擠與躋通登也升也注引孔傳釋擠爲墜乖於文義

文選李注補正卷四

玉讀畫齋叢書甲

雖龍飛於文昌注漢書文昌宮一曰上將二曰次將三曰貴相。正曰何云文昌卽操所自謂吾其爲周文王也

援貞吝以甚悔注言爲履組及分香令藏衣裘是引貞吝之道故爲可悔之行也。正曰何云貞謂持法吝謂小忿怒大過失注非

文選李注補正卷四

終

蕭山徐鯤北溟校



